

Informacija sa 18. sastanka Odbora Agencije za predškolsko, osnovno i srednje obrazovanje BiH

Odbor Agencije za predškolsko, osnovno i srednje obrazovanje BiH (u daljem tekstu: Odbor Agencije), održao je 9. 7. 2021. godine u Sarajevu svoj 18. redoviti sastanak.

Nakon usvajanja Zapisnika sa 17. sastanka Odbora Agencije i izvješća o realiziranim zaključcima sa istog sastanka, Odbor Agencije je Odbor je Informaciju o eTwinning aktivnostima za razdoblje siječanj/januar – srpanj/juli 2021. godine primio k znanju, a odnosi se na sljedeće:

„Agencija za predškolsko, osnovno i srednje obrazovanje, u ulozi Državne organizacije za podršku (DOP) eTwinningu u BiH, uspješno je realizirala sve planirane aktivnosti za izvještajni period. Trenutno je na portalu registrovano 1.855 nastavnika, 580 škola i 1.443 projekata u BiH. U periodu za koji se piše izvještaj registrovano je 109 nastavnika, 34 škole i 86 projekata. Na početku godine, 19. januara, prema ustaljenoj praksi iz ranijih godina, eTwinning ambasadorica Lejla Hujdur održala je vebinar na temu „Oznaka eTwinning škola“ za 40 eTwinning nastavnika. Tokom vebinara nastavnici su dobili potrebne informacije za prijavu i slanje aplikacija za dobijanje/obnavljanje Oznake eTwinning škola 2021/2022. Nakon toga, 26. januara, ambasadorice Fatima Kličić i Nada Sokolović održale su vebinar na temu „Državna/Evropska oznaka kvaliteta“, na kojem su 32 nastavnika dobili korisne informacije o tome šta je potrebno uraditi od samog početka pokretanja projekta za ostvarivanje kvaliteta i ispunjenja kriterija za dobijanje oznaka. U saradnji sa Pedagoškim zavodom Zeničko-dobojskog kantona i eTwinning ambasadorima, DOP je početkom februara organizovala vebinare na temu „Moje eTwinning putovanje“. Ukupno 126 nastavnika je učestvovalo na tri vebinara u okviru kojih su dobili priliku upoznati se sa eTwinningom, načinom korištenja platforme, pokretanja projekta i korištenja mogućnosti za besplatan profesionalni razvoj. DOP je, u skladu sa godišnjom eTwinning temom „Medijska pismenost i dezinformacije“, organizovala radionice sa predstavnicima Instituta za društvena istraživanja Fakulteta političkih nauka u Sarajevu, koji su objavili knjigu „Medijska i informacijska pismenost“. Održane su četiri onlajn radionice za više od 150 učesnika: - 16. mart - radionica Strateški pristup medijskoj i informacionoj pismenosti - doc.dr. Emir Vajzović, 2 - 20. april - radionica Vođeno istraživačko učenje i medijska i informacijska pismenost - prof. dr. Mario Hibert, - 18. maj - radionica Značaj kritičkog mišljenja u digitalno doba -prof. dr. Lejla Turčilo, - 08. juni - radionica Medijska i informacijska pismenost i demokratski diskurs -mr.sc. Lamija Silajdžić. Pandemija i promjene u izvođenju nastavnog procesa ukazali su na potrebu za organizovanjem

vebinara na temu mentalnog zdravlja nastavnika u vrijeme korona virusa. DOP je organizovala dva vebinara 20. i 25. maja. Voditeljica vebinara bila je Bojana Marinković, doktor psiholoških nauka sa desetogodišnjim iskustvom u nastavi, docent za oblast Razvojne psihologije na Filozofskom fakultetu Univerziteta u Istočnom Sarajevu. Ciljevi vebinara su bili unaprijediti mentalno zdravlje nastavnika u vrijeme epidemije izazvane korona virusom. Više od 160 učesnika su kroz vebinare dobili mogućnost da nauče šta je stres i kojim mehanizmima se može prevladati, stekli su uvid u svoje resurse otpornosti i čuli su više o tome kako mogu savladati tehnike kojima mogu upravljati stresnim situacijama. DOP je 10. maja organizovala interaktivnu veb radionicu u saradnji sa eTwinning ambasadoricama Fatimom Kličić, Smailom Mešković i Nadom Sokolović. Ova aktivnost je imala za cilj predstavljanje koraka pokretanja eTwinning projekta i upravljanja TwinSpace-om, a namijenjena je neaktivnim registrovanim nastavnicima na eTwinning portalu. Tokom događaja se okupilo oko 15 nastavnika koji su dobili mogućnost uključenja u zajednički projekt „Proljeće u mom gradu“. Oznaka eTwinning škola je prestižna evropska nagrada za postignuti kvalitet. Kako bi dobili priliku za predstavljanje i promociju svojih škola, kolektiva i načina rada, organizovani su eTwinning vebinari „Promocija eTwinning škola“. Prvi webinar je održan 11. maja kada su predstavljene dvije eTwinning škole: OŠ „Sveti Sava“ Foča i OŠ „Osman Nakaš“ Sarajevo. Drugi webinar je održan 03. juna na kojem su priliku za promociju dobile OŠ „Cazin I“ iz Cazina i Srednja ekonomska škola Sarajevo. S obzirom da se približava rok za prijavljivanje eTwinning projekata za Državnu oznaku kvaliteta, a kako bi nastavnici imali bolji uvid u mogućnosti prijave i riješili moguće nedoumice, DOP je 15. juna organizovala webinar na temu „Prijava eTwinning projekta za Državnu oznaku kvalitete“ u saradnji sa eTwinning ambasadoricom Lejлом Hujdur. eTwinning u BiH se priključio obilježavanju Svjetskog dana zaštite životne sredine 5. juna 2021. godine. DOP je objavila poziv za najbolju fotografiju učenika i nastavnika na temu zaštite životne sredine. Na mejl adresu eTwinninga stigao je određen broj fotografija od kojih je DOP 3 izdvojio najbolje, napravio eTwinning kolaž, a tri najbolje fotografije će biti nagrađene, te će u skladu sa tim nastavnici i učenici biti pozvani na Godišnju eTwinning konferenciju u BiH. Iako su svi međunarodni eTwinning događaji do 30. juna bili organizovani u onlajn formatu, javni pozivi za učestvovanje nastavnika iz BiH su se svakako realizovali. U skladu sa planom za 2021/mart 2022. godine, realizovano je učešće nastavnika na sljedećim onlajn eTwinning događajima (u skladu sa javim pozivom, smjernicama i izborom komisije). 1. 24 - 26. mart - eTwinning onlajn radionica za profesionalni razvoj (PDW) za IVET škole “Media literacy for reshaping IVET image and increase its attractiveness” - jedna osoba iz BiH, Marija Barnjak, Srednja škola Uskoplje. 2. 21 - 23. april - eTwinning seminar za

nastavnike ruralnih škola “ *The mediating role of eTwinning in the school community* ” - jedna osoba iz BiH, Martina Jurković Rako OŠ „Vladimira Pavlovića“ Višići. 3. 26 - 28. maj - PDW *Critical Digital Literacy with eTwinning* - jedna osoba iz BiH, Benjamin Topalčević OŠ „Kovačići“ Sarajevo. 4. 10 - 11. juni - eTwinning Danube seminar „School cooperation in the Danube Region“, tri osobe iz BiH, Nusreta Kepeš Prva osnovna Montessori škola Zenica, Klaudija Ribić Katolički školski centar „Petar Barbarić“ Travnik i Irena Knežević OŠ „Obudovac“ Obudovac. DOP je putem javnog poziva izabrala dvije eTwinning ambasadorice, a u skladu sa iskazanim potrebama. Odabrane su Amra Đapo, profesorica iz gimnazije „Ismet Mujezinović“ iz Tuzle kao eTwinning amabsadorica za nivo srednješkolskog obrazovanja i Smaila Mešković, profesorica predškolskog odgoja i obrazovanja iz Obdaništa/zabavišta „Naša djeca“ Brčko kao eTwinning amabsadorica za nivo predškolskog odgoja i obrazovanja. Za izbor obje kandidatkinje su uzeti u obzir i dodatni kriteriji: aktivnosti na eTwinning portalu, inovacije u nastavnom procesu, obrazovni profili i profesija kandidata, aktivno integrisanje eTwinning-a u nastavni proces i regionalna pokrivenost. Izabrane ambasadorice su upoznate sa daljim obavezama eTwinning ambasadora i već su započele sa obavljanjem svojih obaveza. Sve informacije i kontakte o BiH eTwinning ambasadorima mogu se naći na: <https://www.etwinning.net/bs/pub/community/countries/country.cfm?c=70> 4 Kako eTwinning radi na unapređenju kvaliteta profesionalnog razvoja nastavnika i budućih nastavnika, u skladu s tim razvila se i saradnja sa EPALÉ – Evropska platforma za obrazovanje odraslih osoba. Planirane su različite aktivnosti vezane za ovu saradnju u narednom periodu. Trenutno se radi na organizaciji planiranog događaja za jačanje eTwinning i EPALÉ tima u BiH. Planirana je dvodnevna radionica koja će se održati u julu mjesecu. Aktivno se radi i na pripremama za održavanje Godišnje eTwinning konferencije u BiH javne nabavke, planiranje aktivnosti, radionica, a sve u skladu sa epidemiološkim preporukama. Kako su svi eTwinning događaji koji se održavaju u organizaciji Centralne službe za podršku prebačeni u onlajn format, tako se desilo i sa radionicom za profesionalni razvoj Državnih organizacija za podršku eTwinning-u svih zemalja učesnica. Ovaj događaj je planiran za septembar 2021. godine, prvobitno na licu mjesta, u Sarajevu, ali kako je Evropska komisija odlučila, desit će se onlajn. U skladu s tim teku i pripreme za realizaciju. DOP je od proglašenja pandemije Covid-19 započela sa praksom sedmičnog objavljivanja tekstova sa eTwinning portala, School Education Gateway, Teachers Academy na našoj veb stranici, ta praksa se nastavila i dalje. Tokom sedmice objave se u prosjeku dvije do tri najave sa aktuelnim tekstovima. Aktivno se radi i na promociji putem društvenih mreža fb/eTwinningbih. U ovom izvještajnom periodu objavljena su dva eTwinning biltena za period januar - mart i za period april - juni 2021. godine. Potrebno

je naglasiti da DOP redovno obavlja komunikaciju sa svim saradnicima u realizaciji aktivnosti, eTwinning ambasadorima, nastavnicima, predstavnicima eTwinninga iz drugih država, ITE učenicima, radi prijevod portala na bosanski jezik, redovno realizuje i izvještava o svim obavljenim aktivnostima. Predstavnice DOP aktivno učestvuju u radu radnih grupa u okviru Centralne službe za podršku na zadacima vezanim za nastavak eTwinninga u 2022. godini, za promjenu izgleda portala i spajanja sa School Education Gateway te na zadacima vezanim za izradu kriterija akreditacije eTwinning događaja u Evropi i razvoj kriterija za nagrađivanje ITE (institucija za obrazovanje budućih nastavnika).“

Odbor Agencije je u skladu sa svojim nadležnostima iz Zakona o Agenciji za predškolsko, osnovno i srednje obrazovanje („Službeni glasnik BiH“, broj 88/07), pohvalio za urađeno.

Sarajevo, 9. 7. 2021. godine

Odbor Agencije